

Drywa izil
koltru nedel
Gods-moksa
3-rb. — k.,
pusgods
1 rbl. 75 kap.

Numers
moksosj 7 kap.

DRYWA

Dewitajs goda
gojums.

Sludynojumu
moksa:

Par winas petita
ripites (eilinias)
witu: pyrmā
lopas pusē —
40 k. padejā —
20 kap.

Adresu pormaini-
šona moksosj 20 k.

Redakcijas un Ekspedīcijas adrese: Петроградъ, Невскій просп. д. № 40, кв. 41

№ 40 (327).

Trešdin 12 Oktobrī 1916 g.

№ 40 (327).

Wysus rukrokstus, zinias, naudu,
sludynojumus etc. redakcija laipni
lyudz sytitit pa adresei:

ПЕТРОГРАДЪ,

Невскій пр. № 40, кв. 41,

Редакція латышской газеты
„ДРЫВА“ (Drywa).

Telefons: 214—02.

Rukrokstus un zinias redakcija
atpakaļ izsyuta tik uz ipriekšēja
lyuguma. Bez paroksta un adreses
roksti nateik pijamti.

„Drywas“ redakcijā war nuperkt
wysaidas latwyskas gromotas,
„Drywas“ atsewiškus numerus
un pasarakstit uz „Drywu“.

Pijemšonas stundes: dorbadinom
reitā nu 9 st. leidz 1 st. pec pusd.
un wokora' nu 6 st. leidz 8 st.
swatdinom nu 4 st. leidz 6 st.
pec pusd.

Latgalijas nòkutne.

Beja laiks, kad Latgališu zeme
pi Reigas Latwišu westurnikim, wo-
lūdnikim, geografim un publicistim
beja daudzynota par „Inflantiju“, par
„Mallni“ un Latgališu tauta par „In-
flantišim“, „Malenišim“, „polišim“ un
pat par „Leišim“. Un tik tūlaik, kad
1904 godā atdzyma Latgališu literatu-
ra un woluda, Reigā izzynoja, ka uz
austurim nu Aiwikstes un Lubōna
azara dzeiwoj wasala cilts, kuras wo-

luda leidzynojas latwišu woludai, ku-
ras literatura ir tik pat waca, kai i
Baltišu rokstu woluda, kuras eisty-
najs wòrds ir L a t g a l i š i.

Latgališu tautyskò kustiba sowas
atdzimšonas pyrmūs godūs, pamato-
damis uz woludas radnibu, (woluda
tak tej paša. *Red. pis.*) labweligi pa-
sagrizē uz Baltijas pusi un sirsni-
mekleja satiksmes ar Baltišim, kurus
skaiteja par sowim tautas bròlim.
Latgališu darbiniku cimošonòs Reigā,
referati un runas Zinibu Komisijas
sapulcēs tūmār naizsaucē (? *Red.*) pi
Baltišim nikaidu syltoku jūtu. Balti-
šu wodūni bela sasadalejūši uz diwejom
lelom pusem: wina puse radzami be-
ja pasadawuse soltam m a t e r j a l i z m a m,
kurlam uz wysu ideis-
ku Latgališi darbibu, utra puse beja
igrimuse šauro s o c i a l i z m a dok-
trinòs un tai pat nawareja ni saprast,
ni sajast Latgališu romantyski-tau-
tyskòs gora sacylđynošonòs (Pamums,
beja daudz cytu elementu. *Red. p.*)

Latgališu pyrmò apzinigò tywošo-
nòs pi Baltišim dewe Latgalijai tikai
negatiwus (? *Red. p.*) rezultatus: so-
cialistu emisari (wai druši zynoms,
ka tur beja socialisti ? *Red. p.*) ar
sowom proklamacijom un waras dor-
bim sacēle daudzējòs Latgalijas drau-
dzēs pašim Latgalijas zemnikim na-
saprūtāmū kustibu, par kuru Latgali-
ši dōrgi samoksoja, naimontodami
nikaida (? *Red.*) praktyskò lobuma.
Pec šòs kustibas apmirinošonas, pec
brūniotu „zosolu“ (socialistu) izdzei-
šonas nu Latgalijas rubežim, te pa-
saròdeja jauni emisari, „kulturas ne-
seji“ nu Latw. Lauks. Ekonomiskòs
Sabidribas“. Šitim kungim nikas cyts
naguleja pi sirds, kai tikai Latgali-
šu rublis. Pēc „ekonomistim“ laides

uz Latgaliju meklet jaunus tērgus ari
„centralniki“. Latgališi ar plotom acim
nusawērse uz rupū konkurenci dau-
dzynotu Baltijas „tautišu“ storpā un
gōja pamazam pi spriduma, ka naw
nikaidas starpibas storp sen pazeista-
mò „žeida“ būdi un „tautiša“ nūlyk-
tuwi.

Saprūtams, ka nu taidim rezulta-
tim tautas massa, Latgalits - orejs,
soka šaubitis par tim lobumim,
kaidi beja sūleti par tywošonūs
ar tautas bròlim Baltijā. Tautas wo-
duni, šòs tywošonòs draugi, taidā zi-
niā tyka styprī kompromiteti (? *Red. p.*)
liaužu acis un pamazam soka at-
salt nu sawinošonas idejas. Uz tū
winus skubynoja ari tys apstòklis,
ka baltišu apgaismošonas un kultu-
riskòs organizacijas, kai „Rigas Lat-
weeschu Beedriba“ un „Izgliehtibas
Beedriba“ gluži nikò nadareja, nikai-
du suliu naspēre, lai tej ideja par
„Latweeschu uu Latgaleeschu“ sawi-
nošonu kot kaidā ziniā tyktu weicy-
nota jo na dorbūs, tad wysmoz wòr-
dūs woi rokstūs.

Bet kai nikas tur nabeja darits ag-
rok, tai i leidz šam nikas nateik da-
rits. Baltijas Latwišu politiki un wys-
pòri tautas wodūni sowus dorbūs un
idejòs pa wacam staigoj isaslāguši
sowas Widzemes un Kurzemes, woi
eišok sokūt, sowas B a l t i j a s ru-
bežūs.

Woi pi Baltijas Latwišim wyspori
ir tryukums polityski plašoka pasko-
ta uz tautas litom, woi Baltiši sowā
westurē naatrūn disgon tisibu ap-
twert ari Latgaliju sowā kulturis-
ki — polityskā darbibas sferā, par
tū naw muns nūdums sprist ši-
mā rokstā. Tòliok runošu tikwin nu
Latgališu (nu autora. *Red. p.*) redze-

šonas punkta, bet te atzēmešu tik faktu, ar kuru vajag rēķinotīs kai winai tai i ūtraī pusei. Fakts ir tys, ka leidz Latgališu atdzimšonas pasōkumam myusu liaužu massai Batliši beja par kaiminim, par kurim Latgalits nawareja pasacit ni slykta, ni loba wōrda, izaturredams pret jim gluži winaldzigi. Pēc augšok minetim socialistu un „ekonomistu“ plyudim zemniku massas pijeme negatiwus paskotus uz Baltišu darbibu Latgališas rubežus. Šis negatiwajs paskots winumār It dziliumā un plotumā un aptwer winumār leloku daliu Latgališu inteligences un tautas darbiniku (? Red. p.).

Padejōs dinōs izlaistajs Baltišu laikrokstūs saucins uz Latgalijas pusi par kūpigas ar Baltišim teritorialōs autonomijas dybnošonu izsauc pi Latgališim na wys dzeiwu interesu, bet izbailes un prōtu namiru: kur tik steidzami Baltišim aizawajadzeja un isagribeja ikarot sew tū Latgaliju, par kuru ji tai nasen wel izzynoja un kuras leidz šam wel labi napezeist? Bez šaubom, kai liaužu massa tai ari inteligences wydā šis saucins izsauc waicojumu: woi nu proponejamōs kupigōs pašwaldibas naiznoks ti pat rezultati, kaidi iznōce nu pašu Latgalijas wodūniu bejušōs centibas sasawinot ar Baltišim pyrmajūs tautas atdzimšonas godūs? Woi nu tōs gaidamōs kūpigōs pašwaldibas naiznōks tys, ka i socialisti, i „ekonomisti“ i wel kaidi treši „kulturas neseji“ sōks paustis uz Latgaliju?

Taidas dūmas un taidi spridumi bez šaubom byus dzēržami pi liaužu massas, pi Latgalijas zemnikim, kurim tak gryuši saprast augstokōs idejas par tautas winibu, par tim lobumim, kaidi tautai gaidami nu caratōs autonomijas tōlejā woi tywā nōkūtne.

Un ar tautas massu mes nawaram nasarēķinot. Plašim tautas slōnim tyulen, nu pyrmō sūlia ir jorōda ti lobumi, kaidi gaidami nu pasadušonas kūpigai ar Baltiju autonomijai, nu tōs sōwā ziniā jaunōs „Wairiagu aicynošonas“. Bez plašas anketas šimā waicojumā, bez tautas plebiscita mes nawaresim apsait, jo nūspriduši šaurā wodūniu pulceniā, intimā kabinetyskā klusumā, mes, spridumu dorbūs izwadūt, wigli waram palikt bez tautas, kura nadūs sankcijas sōwu wodūniu spridumam tik nūpitnā, tik kapitali lelā waicojumā, kur lita grūzos ap tautas taidu woi cytaidu nōkūtnei.

Baltiši, tik strauji pacaldami waicojumu par Latgalijas itilpšonu kupigā teritorialai aptwerušā wysas Latwišu cilšu zemes autonomijā, bez šau-

bom sōwā prōtā auklej tū ideju, ka Latgalija ar laiku pijems winiu woludu un kulturas formas, sakuss ar Baltiju winā tautyskā organizmā un tai pastyprinōs Latwišu nacionalūs spēkus.

Laigon Baltišu laikroksti delikati apit šu waicojumu un atkloti runoj tikai par kompromisu un nūcacejumim, uz kaidim Latgališi ir mirā winotis, tumar war dūmot, ka jim ryup Latgalijas pilniga ikarošona, pilniga Latgališu asimiliacija ar Baltišim. Un tys ir dabiski, jo ikwina tauta, kura skaita sewi par styproku, pyulejas asimilet ikkotru mozoku un wōjoku kaiminiu tautu. Tū mums, Latgališim, wajag winumār zynot un pimiņiā turet. Kad Baltiši eistyn gribatu atliaut mums palikt pi sōwas Latgališu woludas, pi sōwas ticibas un kulturas, tad jim nabyutu tagad nikaida rekina pyuletis par mums un waicol myusus: woi mes asam ar jim kūpā-gōjeji, woi naasam.

Pyrmajs waicojums, kurs tiks pacalts pi spriduma par pašwaldibu, byus w o l u d a s waicojums. Kaidai tautas woludai wajadzes byut školōs, pogostu waldēs, zemes sapulcēs, tīsōs un wysōs atklōtōs istodēs, kur tauta runos un spriss par sōwom pašwaldibas darišonom. Kad mes pijemsim par Latgalijas oficialū woludu Baltišu dialektu, tad Latgališu tautas massa izastōs šam spridumam pretim un Latgalijā celsis taidi dramatiski un tragiski saregžejumi, ka wysporibas litai iznoks tikai zaudejumi. Naporwarams gryutum, gluži naispējama lita byutu iwest Baltišu dialektu Baznicas dzeiwē. Nawaru idumot, kas waratu atsadrūsnot iwest katekizmus, lyugšonu grōmotas un swātas dzismes Baltišu dialektā Latgalijas baznicōs. Pi Latgališu styprō konserwatizma, religiozuma un sōwā zinia antagonizma, zeimojūtis uz protestantyskū Baltiju, taidis eksperiments nikod nawar weiktis. Taisit baznicu par scenu polityski-nacionalai darbibai mums naatliāun ni augsta sapsrāšona par baznicas werbitu tautas dzeiwē, ni mums tū atliāus goridzniku kōrta, kurai tautā ir lels ispaids un autoritets.

Tai tad woludas waicojumā mums ar Baltišim nawar byut n i k a i d a (? Red. p.) k o m p r o m i s a. Latgališu woludas teritorija kai Witebskas gubernias rubežus, tai ari ōrpus šos gubernias nadreikst palikt ōrpus Latgališu kulturiski-tautyskōs darbibas sferas. Kad jau pašī Baltiši atzeist („Baltija“ un „Lihdumā“), ka Latgališu woluda naw aizkerama un iznycynojama, ka šej woluda warūte pat kuplynot Latwišu woludas bagatibu

un styprumu, tad te mes asam dagōjuši pi winaida spriduma.

Latgališu woludai ir taida pat tīsiba byut par literaturas wolodu Latgalijas rubežus, kai Latwišu woludai tymūs Baltijas apgabaliūs, kur liauds runoj Baltišu dialektā, pijemta par rokstu wolodu. Nawajag tikai aizmerst, ka guberniu rubeži nasakreit ar myusu dialektu rubežim un ka Latgališu woludas teritorija snādzas i Kurzemē i Widzemē disgon dzili. Bet wyspori, del litas skaidribas, par dialektu rubežim waratu atzeit ticibas rubežus, jo faktyski tai ir, ka Baltišu woluda aptwer luteriskūs apgabaliūs un Latgališu woluda dzēržama katoliskajā austrumu daliā.

Baznicas un ticibas litōs storp Baltišim un Latgališim nawar byut nikaida kompromisa, jo myusu Katoliu Baznica ņar sōwim dzelža lykumim naw tik lūkona, ka waratu itilpt kaidā jaunā Latwišu tautyskā baznicā, roformetā nu tagadejōs Baltišuluteriskōsbaznicas. Mums, Latgališim, ir stypra ceriba dābot sōwu weiskupiju un taidā weidā nōkt pi zynomas autonomijas gorigā dzeiwē. Baznicas litōs kompromiss ar Baltišim war iznōkt tikai tymā ziniā, ka dzeiwojuši Latgalijā luterani waratu byut zam B a l t i š u b a z n i c a s jurisdikcijas un sōwu kōrt Baltijas katoli baznicas litōs byus atkarigi nu Latgalijas W e i s k u p a. Kompromiss a d m i n i s t r a t i w ā z i n i ā, tys ir dalias Widzemes, dalias Kurzemes un latgalisku Witebskas gubernias aprinku apwinošona winā guberniā woi prowincē, woi kai tur tiks nūsaukts šis administratiwajs radejums, — nasūlej (? Red. p.) mums, obojom pusēm, nikaidu sewišku lobumu. Kad mums ir škertas woludas, škertas baznicas, školas un wysas sabidriskōs organizācijas, pamatotōs uz nacionalōm sōwaidibom, tad woi wins gubernators myusus pōrwaldes woi byus mums diw gubernatori, tys winā olga.

Del dorba atwiglynošonas tōm guberniu waldem lobok ir dybnot diw gubernias: winu, kura aptwers senejōs L e t g o l a s zemi un ūtru, kura cauksis par Baltijas guberni woi pijems kaidu cytu wōrdu, kuru wajag wel atrast westures dokumentūs kai latwyskā tai ari sewiški Kriwu woludā. Nadumoju, ka tej jaunō gubernia tiks saukta par „Видземско-Курземская губерния“ kai naweikli ar šim wōrdim ir nūsaukti diw latwyski bataljoni.

Jaunajā lykumā par pašwaldibu atsasacit nu sōwa westuriskō wacō wōrda Летгола-Летгалия, mes,

Latgališi (Autors. R e d. p.) nikaidā ziniā nagribesim, kai tū piroda myusu wysa atdzimšonas kustiba pādejūs diwpadsmīt godūs.

Taisut winu administratiwū teritoriju nu wysom Latwišu zemem Kriwu lykumu gromotōs un wyspori wōrdnicā wajadzatu izdzēst wordu Летгалия un iwēst jaunu, kūpigū obejom daliom, kai ir kūpigs wōrds Litawišu zemei (Литва), Pōliu apgabalin (Польша), Igauniu aprinkim (Эстония) un t. t. Wōrdam „Latwija“ wel naw kriwyska tulkojuma, jo Baltijas Latwiši wyspori saucās Латыши un winiu zeme Прибалтийский край. Latwiju saukt pa kriwyski par Латвия nawar, jo taidā weidā ari Latwišus pa kriwyski byutu josauc Латвийцы, kai tō meklej kriwyskōs gramatikas lykumi. Sautk myusu zemi par „Латышия“ byutu rups naweikls jaunums, kai ir rups (? R e d. p.) pats wōrds Латышь, Латышка.

Un kotrai tautai tak ir wajadzigs skaists, gleits un skanigs wōrds wysōs swešōs woludōs, sewiški tys wajadzigs ir mozōm tautom, kuras ir rešok daudznojamās, bet bižok nycynotas un spaiditas nu lelom tautibom. (Wai skaits words pats win war mozu tautu izglobt nu spaidim? R e d. p.)

Tai tad i myusu kūpigōs teritorijas nūsaukumā mes nawaresim atrast kompromisu (?R e d. p.), jo Latgališi gribes sowa wōrdu Летгалия paturet ari òrejā satiksmē ar kaiminiu tautom na wys litot jū tikai sowa sātās dzeiwē.

Atlik wel waicojums par kulturiskū kompromisu. Bet ap kū mes te waram streiditis un karot? Nikas mums, Latgališim, nawar aizligt litot Baltišu literaturu, jemt paraugu nu winiu modernōs saimestibas, turet sakorus ar Baltišu wysaidom organizacijom un istōdem, wyspori runojut: dzeiwot ar sowim cilts - brōlim tikpat lobūs kaiminiūs, kai mes dzeiwojam ar Kriwim, Pōlim, Litawišim un cytim myusu sābrim. Pi kuras kaiminiu tautas redzesim kū lobu un augstu, tū mes labprot pijemsim; kuras tautas wolūda mums byus dzeiwei wajadzigoka, tū iwessim myusu školōs leidza ar sowa dzymtu Latgališu woludu. Taidūs pat lobūs kaiminiūs, saistitūs ar mums wel rodu saiškim, lai dzeiwoj ari Baltijas Latwiši. Kupā ar jim mes waratu winprotigi stowet i par sowa i par winiu pašwaldibu un uz òrini izastot kai wins spēks, kuram ryup kūpiga obeju daliu labklojiba. Ar tū byus sasnāgts wyss, kū mes kupigim spēkim waram sasnēgt.

Wel wairok mes sasnegsim, kad

Latgališi, Baltijas Latwiši un Litawiši, šōs trejs rodu tautas, sowa òrejā politikā izstrōdos winaidu programu, saskanios sowa materjalūs un gorigūs spēkus tai, ka wysim trejim byutu sasnādzams maksimums to, kō ikwins nu trejim grib sasnēgt.

Nu tō, cik tōli asmu pasazinis ar Latgališim un Baltijas Latwišim sowa ilgajā darbībā tautas drywā, galīgi dagoju pi spriduma, ka ni kaidis ikšējs kompromiss storp obejom pusēm naw ni wajadzigs ni wēlejams. (? R e d. p.) Obejom pusēm ir wajadziga pylna breiwiba sowa teritorijas rubežūs kai wolūdas tai i wyspōri kulturās darišonōs, bet uz orpusi wajadziga pylna winprotiba un sowstarpejs pabolts. Trejom rodu ciltim, Latgališim, Baltijas Latwišim un Litawišim ir wajadzigas trejs sowa pašwaldibas ikšējā dzeiwē un uz orpusi winprōtiga polityskō programa ar tū werzini, lai Kriwija waratu sowa wokeru puses rubežūs apdrūsnot ar treju lojalu autonomiju apsardzibu un lai tōs trejs pašwaldigōs teritorijas zam Kriwijas waldišonas waratu sasnēgt sowa augstokū kulturās un labklojibas pakōpini.

Tam nalelam pulceniam Latgališu sapniotoju par Latgalijas sakusumu un sasawinojumu ar Baltijas Latwišim ir joaizroda uz tū faktū, ka nikod wel nacionali waicojumi pasauli nabeja pacalti tik aši un strauji, kai taišni šimā leļajā pasauli karā, ka nikod wel wysas, pat wysmozokos tautas, naizrodeja tik strauji sowa tautyskōs energijas, kai taišni myumyusu dinōs. Kam ir šaubas par tū, woi Latgališi byus spejigi paturet sowa kulturu, woludu un literaturu, tam ir jopimin, ka pasauli atsarūn daudz mozokas par mums tautības, kuras tūmār dzeiwoj uu kuplynōj sowa kulturu na mozok par lelom tautom.

Tai i mes, Latgališi, waram byut pilnīgi drusi par sowa pastowešonu. Wysas šaubas par tū, woi atsamokos myusu literaturās izdawumi, ir bez pamota. Myusu literatura jau atsamoksoj grōmotu izdewejim. Kalendari, lyugšonu grōmotas, gorigōs skaitišonas jau teik laistas pa diwtrejs izdawumim. Ka myusu laikroksti wel naspēj staigot bez pabolsta, tad tys zeimōj, ka tauta wel naw pi auguse leidz tam, kad laikroksts ir par taidu pat wajadzigu skaitišonu, kai augšok mineti izdawumi. Jau naw toli tys laiks, kad periodyski nedelias un warbyut dinas laikroksti mums byus tikpat izplatiti, kai tagad ir iz-

plātita gorigō literatura un pa daliai ari pasauligō.

Mums wajadziga tikai lelōka breiwiba sowa zemē, wajadziga pašwaldiba sowa ikšējōs dzeiwes un liaužu apgaismošonas litōs. Tū pašwaldibu mes sasnegsim reizē ar cytom Kriwijas tautibom, jo mes winaiž ar jom nasam kara gryutumus un winaiž cerejam.

F. Skoborga.

Cinejamō Redakcija.

Mes, naz'cik Latgalas baznick-gu, ar šitu gribam dut eisū atbildi uz „Baltijas“ № 107-ā iwitotu rokstu Latgalas jautojumā. „Wai wini grib?“.

Del mums, dzimtenē strodojušim, šis jautojums pasaroda porok nagaidams un porsteigušs. Se, pi mums, uz laukim, wysporigi sokut, separatiška kustiba, atsanasut uz baltišim, pawysam naw monama un patiši jos te nawa. Jo daži atsewiški bolsi beja pasarodejuši olupom „Drywa“ slejōs, — tad taidus uzskotus joskaita par personigom porlicibom dažu atsewišku personu, kuras principā taipat pisatur kupigas, sadarigas darbības, kulturali — tautyskā ziniā (K-ga Reformatora roksts).

Eiši sokut pi mums wysi apzinigi tautas strodniki jau nu sen senejim godim un tagad ilgojas pec administratiwas winibas ar Baltiju, — slopst un gaida kupigōs kulturali-saimnycskōs darbības ar tautas eistim brolim baltišim.

Winigō awize Latgališu izluksnē nawar byut skaitama par škersli uz tautas winibu, jo winia nas gaismu timsokim tautas brolim, kuri tyka atrauti nu kupigō tautas calma aiz nalabweligim westuriski—administratiwim apstoklim.

Galigi liuti skumigas un sopigas uz mums nok ziniās, ka latwišu tautas walsts-dumniki isnagtā projektā par Latwijas pašwaldibu asut pawysam nuklusejuši par Witebskas gubernes latwišim aba Latgališim. Tumar ceram un asam porlicynoti, ka šis myusu tautas prikkštowiu sulis byus izlobots.

Uz myusu karuga tad stow rakstits: wina latwišu tauta un wina administratiwa, kulturali—ekonomiska pašwaldiba.

Šis „Credo“ ir apstyprinots ar latwišu strelniku asni, kur winuwit tewiju aizstow kai baltits tai ari latgalits.

Naz'cik Latgalas baznickungu.
3. X. 16.

K A R S.

PAR PAGOJUŠU NEDELIU.

Wysūs kara laukūs nawar atzeimet sowaidu pormainiu wai uz winu wai uz utru pusi. Bet tys nazeimoj, ka uz frontem nuteik klusums. Kars dag plynā sowā korstumā un borgumā. Tu sewiški jopasokā par dinawydu un dinawydu-wokoru frontem. Socut nu Koweles un beidzut ar Rumunijas rubežim, uz kriwu frontes, nuteik brismigi kautini. Nu winas un nu utras puses ir sāwilkti milzigi karaspaki. Kriwu kara pulki, atstumuši wocišus leidz Kowelei un Galičai, grib aizkert šus punktus, kai dyžan swarigus dzelža celia mozgus, kas inaidnikam dud daudz eipašibu. Pretiniks labi apwertej Koweles un Galičas nuzeimi. Todeljis ir nuspridis nuturet šus punktus, lai tys prasitu pat milzigu uperu.

Ar šu nudumu wociši uz fronti nu Koweles leidz Galičai ir sawylkuši leidz 75 diwizijom karaspaka, daudzegas nu jom porsyutidami nu Wokoru frontes.

Cik lela nuzeime teik duta fronteī nu Koweles leidz Rumunijas rubežim, roda tys, ka wociši uz goros frontes Reiga - Kowele nustodijuši tikai 45 diwizijas, bet uz eisokas frontes Kowele - Rumunija stow 75 diwizijas. Pateicūtis šitam milzīgām karaspakam kai nu winas tai ari nu utras puses i runas ti brismigi kautini, kurus mes radzam uz dinawydim nu Koweles un kuri frontes liniņā nainas gondreiz nikaidu sajutamū pormainiu.

Pat gryuši pasacit, wai war dreižā nokutnē gaidit te kaidu jaunumu. War kas jauns nutikt Rumunijā, kuru wociši ir nudumojuši samigt nu diwejom pusem. Bet padejos zinas nu Rumunijas stosta, ka wocišu atakas wysōs witōs ar weiksmi atsystas: ir aizgyuti wangi, lelgoboli un lužumeteji. Tikai winā witā, Dobrudža, sawinotajs kriwu un rumunu karaspaks, zām inaidnika wairuma, beja spists drusku pasadut atpakal.

Francijas, Anglijas, un Italijas kara laukūs ari naw nuticis sawaidu pormainiu. Kai i ogrok, pāsokums palik sawinotus walstiu rukōs, dažōs witōs sawinniki ir pasastumuši uz prišku, aizkerdami wangiūs un irušus.

Uz Balkanim sawinotu walstiu karaspaks turpynoj, laigon i leni, stumt atpakal bulgarus. Sowai-

du weiksmi tur Serbi, kurim ir lubis aizgyut wairok wangiū, lelgobolu un cytu iruču.

Uz Kaukaza, karā ar Turciju, niko swariga naw nuticis.

Solonikōs (Balkanūs) izasadynoja styprī kriwu un itališu kara pulki.

Rewolucija Grecijā un Sawinotos Walstis.

Rewolucija Grecijā ar winu palik draudušoka. Jej calusis nu tom diwejom centiniu strau mem, kuras tagad wilnioj wysu Greciju. Wina nu jom walk uz Sawinotu Walstiu pusi, gribadama napacišami izstot pret central-kenestem — Wociju un Austriju. Utra cenšas kai reize uz pretigu pusi: atsanas naidigi uz sawinotom walstim un grib paturet, tai sacit, „neitralitetu“, zynoms taidu, kaidis pateik Welhelmam.

Tai i soces Grecijā nakortibaš.

Karuls Konstantins, gribadams paturet sowu politiku — byut naizšķiramā draudziba ar central — kenestem — mej ministru kabinetu pec kabineta, lai golu-golā uz ministru postim dalasit taidus kandidatus, kuri okli itu pa jo politikas celim.

Pec sowas byutnes naz'cik dinom, kabinets ministra Lambrosa ari nugoja prujom, kai tu padareja kabinets min. Kalogeropulos, todel ka karuls kabineta wairokumā naatroda sew lobu draugu.

Tagad, rewolucijas korstumā, karuls losa kandidatus jaunam kabinetam, taidam, kurs byutu lelokā ar ju sadaribā.

Gryuši pasacit, kai tys Grecijas karuliam weiksis. Warbyut, jis i dalasis sew patikamus kandidatus, kuri patures jo politiku. Bet cik ta nu šito lobuma? Wai ilgi spes nudzeiwot tys kabinets? Jo jis byutu pa protam karuliam Konstantinam, tad jo nuišonai war byut cytas imesles.

Lita tej, ka sawinotos Walstis galigi ir nuspridušas likt golu karulia Konstantina wocdraudzigai politikai. Ar tū merki tos Walstis aizgywa Grecijas kugius, tad izsadyno-

ja desantu uz krostim un aizjeme dažas pilsatas. Pilsatōs sawinotus walstiu karaspaka woduni jem sowōs rukōs porwaldišonu, pawysam nasarekinojut ar Grecijas Waldibu.

Un Grecijas waldiba naspēj tam pretotis. Jej aizjemta ar namira apdzēsōnu: šimā litā strodoj gondreiz wysš Grecijas karaspaks. Un tys karaspaks niko swariga un beistama tagad nu sewizis naizroda. Jis ir wysā demoralizets un izgojis nu disciplinas.

Tys sawinotom walstim kai reize uz rukas. Jos bez kaidim zaudejumim un bailem aizjem Grecijā dažus punktus, kuri tur nuzeimi del jus operacijom Solonikōs. Pateicut rewolucijai, Grecijas karaspaks zauda sowu nuzeimi un palik mozok beistams del sawinotom walstim. Tys izraisa rukas un dud daudz breiwibas angliu generalam Sarrailliam, kurs Balkanūs stow sawinoto karaspaka prišķgolā un karoj pret woc-bulgarim.

Kai zynoms, tywā nokutnē uz Balkanim gaidami leli nutykumi. Todel generala Sarraillia zynomai breiwibai darbībā pret woc-bulgarim teik piškerta dyžan lela nuzeime.

Zinias.

Wocijā šugod naw nusadawuse kartupeliu raža. Portykas diktators*) fon-Batockis izstoja reichstagā (Walsts Duma Wocijā) ar garu pas kaidrojumu šimā litā un atzyna, ka šō gods kartupeliu raža daudz wojo-ka, nakai tys beja gaidams; — jej zamoka par wydysku. Fon-Batockis apsuleja, ka nikaidā ziniā uz kartupelim nabyus pacaltas cenas. Del wysim dzeiwotojim bulwu natiks. Todel byus nuteikta starpiba stoptom dzeiwotoju klasem, kas dzeiwot nu gryuta fiziska dorba, un cytim dzeiwotojim. Kartupeli tiks duti ar nuteiktu maru. Ti, kas wiglok nusedorboj, dabos mozoku maru par tim, kas gryuši strodoj

Wocijā sajutams zyrgu tryukums. Todel Wocijas Waldiba grizes uz sowom kaiminiu walstim ar lyugumu atliaut izwest uz Wociju lelokas zyrgu partijas. Zwidrija ir atliowuse izwest 5.000 un Danija 3.000 zyrgu.

*) Diktators — cylvaks ar liuti plašom tisibom.

Jauns lykums par kwateru un kambaru nujemšonu.

Nu 21 septembrī š. g. i goja spēkā jaunais lykums, kurs aislidz celt cenas uz kwaterem un kambarim.

Jauno lykuma 17 pants soka, ka kwateru nujemeji un kambaru dzeiwotoji war pamest aiz sewis sowas kwateres wai kambaru tikai tymā gadejumā, jo ji atsewiški izteiks moju wai kwateru saiminikim sowa gribešonu palikt uz jauna termina tymōs kwaterōs wai kambarūs, kurūs ji tagad dzeiwoj.

Del šo izteikšonas ir nulykts zynoms laiks. Meneša laiks del kwateru nujemējim un nedēliās—del kambaru dzeiwotojim. Termins soc skaititis nu to laika, kai iwasts jaunais lykums, t. i. nu 21 septembrī.

Pa jauno lykuma 12 punktam izateikšonu palikt wacajūs dzeiwitkliūs josyuta moju wai kwateru saiminikim wai caur policiju wai caur notariusu. Lobok—caur policiju—učastku.

Rokstos jos tai:

Taidam mojas wai kwateres saiminikam, taida ila, taidas Nē, taidā dalia, taidā učastkā. Kwateres nujemeja (wai kambara) taida, aizjēmuša kwateri (wai kambari) zam Nē taida, par kuru moksoju tik rubl. menesi wai godā. Pasoku Jums, ka uz taidim nu teikumim es pikreitu pi Jums dzeiwot leidz 1 oktobrī 1917 godā. Syutu šu caur taidu učastku taidas dalias. (Paroksts). Gods, meness, dina.

Par Latgališu Bidribu del paleiga kara uperim.

Latwišu Bidriba, pec labwin prowa laika naudas nasajemšonas leloukom sumom, 4 oktobrī daboja nu Latwišu Central-Komitejas 10.000 rub. del baguliu wjadzibom.

Leidz 4 oktobrī Bidriba ar sowa nudaliom, nadabodama naudas, beja spista izdut bagulim wai dyžan mozu paleidzibu wai pawysam tymā atsacit. Tumar šitej paleidzibas aprubežōšona naizsorgoja Bidribas nu porodim.

Tagad bidribas Komitets, sajemis lelouku naudas sumu, nuspride tū izdalit storp nudaliom proporcionali jus baguliu skaitam un rekinojutis ar porodu lelumu. Tai, zamok minejamas nudalias daboja taidas assignēšonas:

Aulejas nudalia. . .	250	rubl.
Bolwu " . . .	100	"
Borkowas " . . .	250	"
Brodažu " . . .	300	"
Waraklionu, " . . .	100	"
Workowas " . . .	800	"
Wilionu " . . .	250	"
Wyšku " . . .	850	"
Dagdas " . . .	350	"
Daugpiles " . . .	500	"
Kroslowas " . . .	200	"
Leiwonu " . . .	2.000	"
Wiliakas " . . .	300	"
Preiliu " . . .	850	"
Rykwowas " . . .	200	"
Rezeknes " . . .	100	"
Izwolta " . . .	200	"
Eleonorwiles " . . .	400	"

Wysa 8.000 rub.

Šej nauda, kai jau sacits, pašker-ta baguliu wjadzibom. Kas zeimōjas uz sumom del baguliu školu paturešonas, tad šimā waicojumā Bidribas leidzekli wel naw izskaidroti. Tys sewiški ir atnasams uz Bidribas školom Dzimentē. Tatijanas Komitets šom padejom školom nu Petrogradas paleiga nađus. Tos školas tagad ir porgojušas Tatijanas Komiteta Nudalias porzynošonā, kas atsarun Witebskā. Todel uz nokušim laikim wysas smetas pa apgaismošonas wjadzibom josyuta uz šu Witebskas nudaliu un nu jos jogaida assignēšonas.

Padejūs laikūs Bidribas nudaliu darišonas Dzimentē sowā wairumā, tai sacit, ir porgojušas nu Petrogradas uz Witebsku. Tur teiros baguliu darišonas porzynoj Sewiška Padume pi gubernatora un baguliu apgaismošonas darišonas, kai mynats, porrauga Tatijanas Komiteta nualia.

Tai kai Bidribas Komitetam ir disgon gryuti inokt sowa nudaliu darbības un wjadzibu wysūs smolkumūs un pasnegt tus atteicigom baguliu istodem, tad Rezeknē uz konferences nudaliu priksstowiu, kas nutyka 5 okt., tyka izwalats Bidribas pynwarniks un priksstowis pi Witebskas gubernatora un Tatijanas Komiteta nudalias. Par taidu ir b-gs-dek. N. R a n c a n s. Del swarigu waicojumu porsprisšonas pynwarniks sasauca Padumi, kura sastow nu 3 priksstowim nu nudaliom un nu emis-sara. Par padumes luceklim ir: b-gs Tom a š u n a s s, b-gs P. D z e n s un b-gs W e r ž b i c k i s, par emis-saru k-gs D. L o g i n s.

Nudalias syuta sowus aprekinus un wysaidas prasibas uz pynwarniku. Tys ar emissaru kupā jos porsawer un syuta uz atteicigom istodem.

Taidā weidā Bidribas Komitets

grib sakupt winā wydā nudaliu darišonas un dut jom breiwoku un, warbyut, plašoku un dreizoku celiu.

J. P.

Portykas waicojumā.

Awizes atzeimōj Petrogradas pilsātas waldes priksnika bidra uz-saukumu kurā tys paskaidroj, kopec nyu wysš sasacelis cenā.

Tos imesles ir:

Waidi pajemusi tyukstušas liaužu, un strodniku ruku dzimtenē palyka mozok.

Portykas litas celias dorgokas un idzeiwotoju dalia taisa krōjumu-s.

Papeira naudas daudzums pasacele diwkort

).

Solōs labklōjiba un portykas tryukums pilsātōs sowā storpā sasaistiti un ir lelā atkaribā pi cenu pasacelso-nas.

Iwasti kara nūdukli.

Un wysš šitys radej un patur preču dōrdzibu!

Awize „S o w r. S l o w o“ atsa-saukuse uz tū bidri: „Tāws, tisoj myus na pa lykumam, bet pa sirds-apziniai“, taidu jam dud paskaidro-jumu:

1) Teik paziniots, ka nyu maizes krōjumi Perogradā ir diwkort lelouki, na beja pārn ap tū pat laiku. Tumar pagōjušu godū mes Wasilia solā edem maizi, a nyu ryugtu mōlu. Tāws, kg. D e m i k i n (pilsātas priksnika bidris tai saucas), pasaskotat uz peiragu cepejim, kū ji, blēži, cap! Jau i par cenom mes narunojom; jemit, kū gribit, tikai dudit maizi, a na kleisteru. Bet i kleistera naw disgon. Weritis, kaidas astes pi peiragu cepejim.

2) Molkas dawesšona Petrogradai nyu pōrspej 1914 goda dawesšonu, bet cenas uz molku palyka trejskort augstokas, un man josalyudz molkas dastatitoja P a r w i a i n e n a, ka jis man atwastu molkas par moksū, kaidas winiam gribis.

3) Taksa par pinu nūlykta 15 kapeiku par buteli. Dastatišona uz sātu, jo nasamoldu, — nūteikta na wairok picu kapeiku par buteli. A, raug, pi manis gul' „Meža-fermas“ gromatenia ar talonim: „1 butele pina ar dastatišonu uz sātu 25 kap.“ Es aizmoksoju, es nasastreideju, ka tik byutu pins.

Bet pina man nadastota, a pa telefonu man teic, ka tagad wini dastota tikai „del bārnū“ par 30 kap. butele...

Tāws, kgs D e m k i n, pisaskotat, te tak lelu pina firmu maļšona ar asti.

Tik bārnim wini war aizlit acis ar sowa „bārnū“ pinu.

Tys smelias nu to pat spania kai i wyss pins.

Uz „bārnū“ pinu taksas naw. Raug, kur slēpas nūslāpums!

4) Winā Petrogradas būdē es perku zipes par 35 kap. mārceņu, ūtrā — tos pat zipes 50 kap. marc.

5) Winā Petrogradas būdē es perku paceniū pa 35 kap., a cytā pa 50 kap.

6) Taksa uz galiu Petrogradā 50 kap. augstokō suga; a es moksoju rubli un desmit kapeiku par mārceņu.

Par 1 rub. 10 kap. ir galia, pa picdesmit—lyudzu del diweju mārceņa uz diweju dinu uz paneles (ilas molas) eilē.

7) Pa taksai cukra un cukra smilšu nam nikur; bez taksas, pa 40—50 k. mārce., cik gribi.

Un tai toliok un tai toliok. Un es kŭpā ār cytim dzeiwotojim otkon bez capures un klanedamis kg. Demkinam leidz zemei, saucu: Tāws, kg. Demkin, da pasaskotit uz tom nakortibom un padorat kortibu! Porstojit skaitejuši mums naiwas pamocibas un stojitis pi sowa dorba. Jo jyus zynat wysu nakortibu, cyldynōjušu sowwaliu, waru un apsmikli myusu pilsoniu dzeiwē, tad tai teicit: „Muni draugi, slikti!“ Mes tad kot zynosim, ka jyus walsirdigi, un apsamiresim ar jyusu bezspecibu dreizok, na ar jyusu nawajadzigu un bernišku rokstu „Now. W r.“ par ekonomiskim lykumim.

„Meklet, ka nabyutu dordzibas, kura izsaukta ar kara laika apstoklim, leidzynosas meklešonai, ka karā nabyutu nŭsystu un iwainiotu“, wel teic kg. Demkins.

Bet kas ta meklej dordzibas iznycynošonas?

Na, mes dordzibai pikreitam, jo zynām, ka dordziba zynomā mārā naw izbāgama.

Maize palyka dōrgoka diwkort, cukrs—pusūtras reizes tik, swists—trejskort, pins diwkort un t. t. Mes ar miru, bet lai tos litas pi mums ir, topec ka wyspori Kriwijā i maizes, i cukra, i swista (Sibirē nazyna, kur jū likt un ar swistu „maitoj“ taukus, jo tauki ir dorgoki) ir piteikušā daudzumā.

Utrajā kara godā i celi palyka waliā, wysur wagonu napilōdešona dyžan lela.

Pec. „Sowr. Sl.“ № 3129.

Latwysks wokors.

Swātdin 9 oktobrī Sw. Kates weirišu gimnazijas zalā nŭtyka latwišu gimnazistu wokors bez dančim. Tyka nuspālatas bārnū komedija „Breiwiba“ 2 celiņūs un drama „Agnite“, ari diwejūs celiņūs. Par „Breiwibas“ akterim beja latwišu-latgališu pasportes audzekni nu Wasilia solas. Storp mozajim akterim joatzeimōj audzeknius J u k š i n s k u (Joniša lŭmā) un M i l k e w i č u (Julites lŭmā). Ši diwi jaunekli grize uz sewim wysporigu wēribu, kai brangi šo wokora akteri, nasaskotut uz tū, ka audzekniam M i l k e w i č a m drusku kaiteja napawysam latwysko izruna. J-kdze H. J a n k e w i č pinocigi nŭspeleja cioci A n n u.

Wysporigi smikla gobols atstoja brangu ispaidu uz klausitojim.

Drama „Agnite“ nuriteja ari labi. Pašas Agnites lŭma beja liuti weicigi duta j-kdzei W i k t. N i u k š e w a i, kura ir nŭpitni pastrodojuse, lai publikai porodit idealū jaunawu A g n i t i wysā jos dailumā. Spēletoja sowa lŭmu labi moceja, uz gestikulaciju un mimiku grize weribu, golā jos ruta un orejs izskots lyka pimerst myusim, ka tej ir spēle, bet na eistyniba. Pat sowus izrunas nagludumys j-kdzei W i k t. N i u k š e w a i ir lŭbis padarit gondreiz namonamus. Kaida starpiba storp nywejū j-kdzes W. N i u k š e w a s speli un tū, kura beja parodita wairok godu atpakaļ tŭmā pat minetajā „Breiwiba“! Kai radzams, pyules dewe speidigus panokumus.

Simparijonu speleja k-gs A. Z w i d r i n š labi, kai wysod jis spelej, bet napiteikušā lumas zynošona druscit wojinoja lobū speli. Bet aktera figura un kostiums rodeja myusim patisigu romiša tipu. Naslykti tipī izgoja nu Liucinas, Agnites motes, kuru saspeleja j-dze A. B a r k a n a, un nu Klaudijas, Simparijona siwas, kuru myusim izrodeja j-kdze E. W e ž i n e k. Skaidra šu diweju spēletoju woluda un sowa stowuklia saprasšona dareja lobu ispaidu uz klausitojim un skatitojim. Cytu spēletoju lŭmas beja gon nalelas, tumar i ti pors wordi ar mimiku, ar waibstim kŭpā grize publikas acis uz j-dzi A. D i r w a n (waideloti Emiliju), kura moceja naz' cik rowiniūs parodit dŭmigu itipigu pogonu diwu kolpyuni un kristigūs naidnicu. Cytas wysas aktrises un kostiumi tikai dāpildeja tū jaukū ispaidu, kaidis palyka nu šo wokora teatra izrodes.

Publikas wokorā beja papylnam. Storp tū lelum-lelo dalia beja myusu jauniba. Beja ari bārnī, pasportes audzekni. Storp gostim beja radzami atbraukuši nu kara laukim myusu zemes dali: poručiks Bol. Skromans, poručiks Jaudzems, doktors Ont. Skrinda, kara irednis Powuls Laizans, praporščiks Fr. Kempis, prap. Ont. Dzēns un cyti. Tys tik piroda, ka myusu tautas dali, izarowuši nu tos gryutos atmosferas tur, steidzas te storp sowim tautišim kot druscit nuremdet sowa sirdi, goru atgyut, lai pec to eiso atpyutas breiža braukt otkon uz turini, kur bez nustošonas grižas kara moltuwe ar jos dunešonu un uperom.

Pec wokora beigom apmirinoto publika agri izstaigoja pa satom, lai dreizok dūt miru nugurušajim wokora reikotojim. Par golwonu wokora taisitoju bejuse j-kdze A m. B r z e z i n s k a.

Wokora taisitojim teirs paldis par pyulem un baudejumu.

J. L—i k s.

Nižnij-Nowgorodā.

Šo laika borgi nutykumi ir padarejuši lelas pormainias kotra cylwaka dzeiwē. Daudzeji ir spīsti atstot sowa dzymtu molu, dutis swešumā un dzeiwot storp swešim liaudim. Dzeiwodams storp cytas tautas liaudim, tu sewi jyuti wysleidza kai tuksnesi, jo naw kas tewi saprut, kam waratu pastostit sowas sirds porbaudejumus. Šaidas dzeiwes slugs man ari ir jopanas, jo es atsarunu dzili Kriwijas wydā, kur dzeiwot tikai kriwi win. Laigon te ir sabraukuši pōliu, litawišu un cytu tautu baguli, tumar latwišu ir moz, un jo ir kaida dalia, tad wini wysi ir izkaisiti, kur kurs. Todel te nawar redzet gondreiz niwina latwiša un dzerdet sowas meilos latwyskos woludas, kas dyžan skumynoj sirdi. Un tikai nyu, dzeiwotut šaidis apstokliūs, korstoki war sajust milibu uz dzimteni un slopšonu pec sowas dzymtas woludas.

Laigon šis wysis ir napateikami un gryuši panasams, tumar jocerej, ka reizi tak atnoks loboki laiki, kad wares griztis atpakaļ uz sowa dzimteni un baudit swatu miru pec wysim šitim gryutim dzeiwes breižim.

A. K.

ram dyžan gryuti beja pacist taidu kristu nu to barna puses, kuru jis tai korsti milioja un del kura lyka sowu spaku. Nazkod godoja dabot sowā sata loba latwiša igotnia del Anites. Jis nareizi lepnojos, wardamis uz Anites dailuma, jos skaisto bolsa, kai winiu cineja apleiceji... A tagad... Tagad ikwins sabris smejas jam, leidz ar perstu dur acis, sacidami: — Oi Juri, Juri, nalabi gon padareji, palaisdams meitu taidā sowwalia. Winigo barna — i to nawareji nusorgot nu pasalaisšonas un nagudigu celiu. Tagad wysi lai smejas myusu solas liaudim, lai par ju winu cel nacinu wysai solai.

Juram ši wordi leidz kai eilyns badeja sirdi. Jis tagad patisai saprota, ka beja wainigs, palaisdams Aniti uz swešiniku „wečerinkom“. Jis staigoja leidz kai menešserdzigajs, nazynodams, ku sokt darit, kur un kai meklet Anites. Dina del winia pagoja liuti dryuma. Tej beja taida wel pyrmo jo dzeiwē. Ikwinam tawam tak sop sirds par sowu barnu. Naporgoja šej Juram ari bez osoku sadursmu ar siwu, jo kai rodejos, pa jō protošonai, padejo bejuse šamā ziniā wainigoka, jo caur sowu nulaidibu atliowuse Anitei ar Teodoru „niankotis“.

Jau wāļajā wokorā atgoja uz kaidu sabru Mora un pastosteja sekuši:

— Redzi, Jurit, ot es nasaceju, ka izis ploni ar towu meitu... Ak Diwin, ak Diwin! kur nyu naslawe, naguds myusu cimam del jos winas — wolkotnes. Lai jau brauktu, ka brauce, kaut kod na pi sowim liaudim. Tagad wyss aprinkis runos: „Ot kaidas N... solas meitas, mok asarus zwejot. Ekur wysi jau smejas, redzejuši, kai Anite staigojuse P... solā pa ilom ar Teodoru un wel runojut, ka asuši salauloti. Nugoju uz budi, a tur tyulen i runoj: — Jyusim jau nyulen i laime: wečerinkas un kōzas... P... solas wysi liauds stajogut pulkim pec jūs un smejutis, wysaidi izzubodami winius... ai, ai, ku padareja! — Wai tad lobs taws atliautu taidu izsmikli? — nubrauktu un ar klugu atdzeitu uz satu...“

— Man jau i tai jukst prots nu badom, saceja Juris, wai tad es ku wareju padarit. Tak runoju... ku tys paleidzeja!.. Es jau šudin byutu kur nubraucis, jo byutu zynojis. Bet kur? Sunakt snigs krita, — reitā ni celia ni slides... un ni wins nazynoja, kur nubaga.

— Oi, Diwin, kas tagad par dzaltonitem, saceja nusapyutuse Mora. Kari, asnis lejas, badas, osoras, a jos sew romansus wodoj! Ni kauna, ni

lobas dinas... Taišni kai apburtas. Dumotu, ka smadzynu witā, golwa ar wacu woilaku pisysta...

Reitā, saulei lacut, Juris brauce uz P... solu pec Anites. Jis nabeja wins, bet ar wysu, kai liauds soka, „načalstwu“. Beja pogosta wacokajs, apgabalia storosta un wel kaidis pogosta „kōsits“. Kai jau wysod pi latwišim swarigokas litas naapsait bez magarišku wai loba „kausa“, tai ari šimā reizē Juris beja dabojis kaida struciša soldon-ryukto altinia. Tagad ji, labi samatuši, plešu sasildejuši, trauc baru kumelinu uz P... solu. Celš, zynoms, pricigs beja, jo apeinits sajauce jim apzinibu, topec padzeidami kumelinu wysi rasnā apmokušā loča bolsa dzidoja zynomu dzismiti:

„Rikšnim beriti palaižu...
Pa garu i syļa molu...“.

Atbalsis goja toli pa prižu mežu un trauceja dobas klusumu. Prides leidz kai mudos nu nakts dusas un klusu šalce, paleidzadamas braucejim dzidot. Tikai jus šalkšonā beja nazkas skumigs: jos badojos par Anites nagudu un nacinu. Snigs zam komonu sliču čeksteja, bet kumelinš, lai gon jau sasweidis, sprauslodams skreja uz prišku. Juram ari beja apeinits aizrowis badas prujom un dadewis, kai wysi ols miliotoji runoj, drusuma. Jis tagad zubus win grize uz Teodoru un taiseja wysaidus planus, kai soktis pi darišonas ispildišonas. Tumar, ar kotru snigā izagosšonu juka jo plani... Jis jus reizē ar snigu nukrateja zemē.

Apeinia spaks wel naispeja izdzist, kai wini ibrauce P... solā. Tagad tur beja paša kustiba: pa ulnicu stajogja soloni, un swešiniki ari goja uz dorbu.

Solas dzeiwotoji Juri labi pazyna un kai tik jū iraudzeja, tyulen saprota, kas jus te tai agri atdzyna. Pateicutis šitam, jim nadagoja waicot tos ustobas, kur apsamete dzeiwot Teodors ar Aniti. Par nagaru breidi jau zynoja wysa sola, ka Anites taws ir atbraucis pec winias un grib izškert jaunu poriti, laigon wel wakar ti porlicynoja solonius, ka ši asut salauloti.

Sasalaseja wasals pulks liažu pret jus numetnes ustobu. Wysim gribejos redzit, kas nutiks...

Liažu acis stojis tragiska bilde. Pret ustobas durowom stoweja Anite un Teodors. Pi Anites natoli nustoja Juris, jos taws, un cyti jo paleigi... Anite beja liuti skumiga un kauniga. Jej stoweja nulaiduse acis, nu kurom reizē pec reizes nukryta uz bolta teira sniga jos korstas



Meitin, kur tows prots?!

Bildite nū dzeiwes.

(Turpynojums)

Uz utros dinas Juris, Anites taws, jau agri staigoja pa kaiminiu ustobom ar tu ceribu, ka atrass kur sowu winigu barnu Aniti. Welti... Jis na tik win naatroda Anites, bet nawareja ni nu ko izzynot, uz kurini ji obeji ar Teodoru ir nubaguši. Ju-

osoras. Juris, radzadams taidā ap-
leicībā sowa meitu, ari tyka wairok
satraukts, kai wakar, topec jau na
taidā drusā bolsā, kai tys nutyka
šudin celiā, runoja uz Aniti. Jam
treiseja lyupas un wordi izgoja naz-
ku taidi naskaidri. Wareja redzit,
ka lela sope un žalums apmidze jo
sirdi. Jam žal beja sowa barna un
otkon kauns pret liaudim...

— Meitinī ku padareji, kur tows
protš? Kopec tu, atstojuse myusus,
brauci uz šeni?... Wai tu nawari
dzeiwot satā?... Wai tew nawa
wysa kō gona?... Ja, tagad apkloji
munu golwu ar malnu kauna po-
logu...

Te wairs nawareja izturet tawa
sirds, un nu jo acim pabyra lelas
osoru lases.

(Toliok byus).

Augsti cīnejamajs Redaktora kgs!

Lāipni lyudzu paziniot „Drywas“
lasitojim, lai ti uz prišku nasapyu-
lej atleidzynot pana Woicewo-
ska lobu sirdi, nusyutut jam 2 kap.,
kuras jis patereja del „Drywas“. Tys
jau izdarits; tu licynoj te pilykto
kwite.

Ar wysu cinibu
L u k š e w i č s.

Retrogradā.
4/x — 16 g.

Mynatu kwiti paturam
pi sewis.

Redakcija.

Liuti gudots bgs K. Skrinda

Pricojus, ka „Drywas“ pabal-
stitoju pulcinš aug, jo tys licynoj, ka
„Drywa“ ir wajadziga, kai tautas
apzinias mudynotoja. Lyudzu pijemt
„Drywas“ paturešonai mozu dowo-
nu — 55 rub., ku dowynoj sekušas
personas:

1. Rezeknes Terdzibas škola . . . 25 r.
2. Inspektors Fr. Obšteins . . . 25 „
3. Školotojs E. Baludis . . . 5 „

Nuwēleju Jums weselibu strodot
un „Drywa“ pastowet,

paliku augstcinībā

Jyusu

Fr. Obšteins.

Rezeknē,
2 oktobrī 1916 g.

*Wysim Dowynotojim issokam wys-
sirsnigoku paldis.*

Redakcija.

Redakcijas atbildes.

Bobulla mētal nu wysim oytim
bga Wocechowska litā Pateicam par
Jyusu apzinibu un „Drywas“ cinešonu.
Bgam Woicewowskam westuliu naiwitosisim.
Dumojam, ka jis jau saprota, kai tauta sa-
jcmē jo diweju kapeiku izsmikli.

Redaktors-izd. b-kungs K. SKRINDA.

Winmynā

(Felmaniūs, stac. Antonopole)

portykas budē ir wajadziga

būdes porzynotojs

un preču pordewejs (prikazčiks), kaut ar
mozu aizdūšonas naudu (zalogu).

Pisateikt steidzigi.

Rakstit uz baznickungu Ronkaitisu.

Jauna grōmotinia.

goriga satura

„Celš uz Myužibu“

Izdewe L. Mendrikis.

Tò pat autora

Ministrantura

wai

kolpošona pi swata Miša.

Daudzumā dabojamas izdeweja magazinā

Rezeknē.

MYUSU ŠKOLAS PETROGRADA

- 1) Petrogradas pusē, Kronwerskajs prosp. № 75 (styurs Cerkownos ilas)
Mocišona barnu nuteik nu 9—12 st. reitā.
- 2) Newskis praspēkts № 32, dz. 51 (Elementar-škoiā) pi sw. Katras baz-
nicas. Mocišonos nu 5 st. dinu leidz 8 st. wokorā.
- 3) Lachtinskaja m. № 1 (uz styura Lelò prospēkta 60). del barnim nu 6
leidz 9 godim) nu 9—12 st. r.
- 4) Aiz Newas Wortim, Aleksandrowo solā, Šliselburgskis prosp. 45a.
Wokorā 2—5 st.
- 5) Torgowaja m. № 25, dz. 41 nu 9—12 st. r.
- 6) Wasilia Solā, 9 linijā m. № 60 nu 9—12 st. r.*

Tautiši!

Syutiat sowus barnus latwyskōs školōs.

Aizarakstit war kotru dinu pi bk. kan. K. SKRINDAS (Newskis prosp. Nr. 32, dz. 1) wai taišni pašōs školōs pi školotojom.